

四庫全書

集部

欽定四庫全書

集部

石倉歷代詩選卷四十九

詳校官庶吉士臣范逢恩

侍讀臣孫球覆勘

總校官進士臣朱 鈐

校對官編修臣潘曾起

謄錄監生臣湯應昌

欽定四庫全書

石倉歷代詩選卷四十九

明 曹學佺 編

中唐三

韋應物

擬古詩

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車

背鄉園朔風卷行迹嚴冬霜摧肌日入不遑息憂歡容
髮變寒暑人事易中心君詎知冰玉徒貞白

其二

我我高山巔浼浼青川流世人不自悟馳謝如驚飈百
金非所重厚意良難得旨酒親與朋芳年樂京國京城
繁華地軒蓋凌晨出垂楊十二衢隱映金張室漢宮南
北對飛觀齊白日游泳屬芳時平生自云畢

其三

嘉樹藹初綠，
靡蕪吐幽芳。
君子不在賞，
寄之雲路長。
路長信難越，
惜此芳時歇。
孤鳥去不還，
緘情向天末。

其四

月滿秋夜長，
驚鳥號北林。
天河橫未落，
斗柄當西南。
寒蛩悲洞房，
好鳥無遺音。
商飈一夕至，
獨宿懷重衾。
舊交日千里，
相隔為浮沈。
人生豈草木，
寒暑移此心。

其五

神州高爽地，
遐瞰靡不通。
寒月野無綠，
寥寥天宇空。
陰

陽不停馭貞脆各有終汾沮何鄙儉考槃甘退窮反志
解牽跼無為尚勞躬美人奮南國一笑開芙蓉清鏡理
容髮褰簾出深重艷曲呈皓齒舞羅不堪風慙慙情有
待贈芳為我容祇嗟青樓月流影君幃中

其六

春至林木變洞房夕含清單居誰能裁好鳥對我鳴良
人久燕趙新愛移平生別時雙鴛綺留此千恨情碧草
生舊跡綠琴歇芳聲思將魂夢歡反側寐不成擊衣迷

所次起望空前庭孤影中自惻不知雙涕零

雜體

春羅雙鴛鴦出自寒夜女心精煙霧色指歷千萬緒長
安貴豪家妖艷不可數裁此百日功惟將一朝舞舞罷
復裁新豈思勞者苦

又

同聲自相應體質不必齊誰知賈人鐸能使大樂諧鏗
鏘發宮徵和樂變其哀人神既昭享鳳鳥亦下來豈非

至賤物一奏升天階物情苟有合寧問玉與泥

與友生野飲效陶體

携酒花林下前有千載墳于時不共酌奈此泉下人始
自玩芳物行當念徂春聊舒遠世轍坐望還山雲且遂
一歡笑焉知賤與貧

大梁亭會李四栖梧作

梁王昔愛才千古化不泯至今蓬池上遠集八方賓車
馬平明合城郭滿埃塵逢君一相許豈要平生親入仕

三十載如何獨未伸英聲久籍籍臺閭多故人置酒發
清彈相與樂佳辰孤亭得長望白日下廣津富貴良可
取竭來西入秦秋風旦夕起安得客梁陳

移疾會詩客元生與釋子法朗因貽諸祠曹

對此嘉樹林獨有戚戚顏抱瘵知曠職淹旬非樂閒釋
子來問訊詩人亦扣關道同意暫遣客散疾徐還園徑
自幽靜玄蟬噪其間高窗瞰遠郊暮色起秋山英曹幸
休暇悵悵心所攀

晦日處士叔園林燕集

遽看冀葉盡坐闕芳年賞賴此林下期清風滌煩想始
萌動新照佳禽發幽響嵐嶺對高齋春流灌蔬壤樽酒
遺形跡道言屢開獎幸蒙終夕歡聊用稅歸鞅

西郊燕集

濟濟衆君子高宴及時光羣山霽遐矚綠野布熙陽列
坐遵曲岬披襟襲蘭芳野庖薦嘉魚激澗泛羽觴衆鳥
鳴茂林綠草延高岡盛時易徂謝清思坐颺颺眷言同

心友茲遊安可忘

郡齋雨中與諸文士燕集

兵衛森畫戟宴寢凝清香海上風雨至逍遙池閣涼煩
病近消散嘉賓復滿堂自慙居處崇未覩斯民康理會
是非遣性達形跡忘俯飲一杯酒仰聆金玉章神歡體
自輕意欲凌風翔

城中卧疾知閭薛二子屢從邑令飲因以贈之
車馬日蕭蕭胡不枉我廬方來從令飲卧病獨何如秋

風起漢臯開戶望平蕪即此悵音素馬知中密疎渴者
不思火寒者不求水人生羈寓時去就當如此猶希心
異迹眷眷存終始

同德精舍養疾寄河南兵曹東廳掾

逍遙東城隅雙樹忽蔥蒨廣庭流華月高閣凝餘霰杜
門非養素抱疾阻良讌孰謂非他人思君歲云變官曹
亮先泰陳躅慙俊彥豈知晨與夜相代不相見絨書問
所如酬藻當芬紉

寄子西

夏景已難度，懷賢思方續。
喬樹落疎陰，微風散煩燠。
傷離枉芳札，歡遂見心曲。
藍上舍已成，田家雨新足。
託隣素多歡，殘秩猶見束。
日夕上高齋，但望東原綠。

閒居贈友

補吏多下遷，罷歸聊自度。
園廬既蕪沒，煙景空澹泊。
閒居養疴瘵，守素甘葵藿。
顏鬢日衰耗，冠帶亦寥落。
青苔已生路，綠筠始分籜。
夕氣下遙陰，微風動疎薄。
草玄良

見誚杜門無請託非君好事者誰來顧寂寞

九日澧上作寄崔主簿倬二季端繫

淒淒感時節望望臨澧渚翠嶺澄明華秋高天遙渾川
寒流逾迅霜交物初委林葉索已空晨禽迎颺起時菊
乃盈泛濁醪自為美良遊雖可娛殷念在之子人生不
自省營欲無終已孰能同一酌陶然冥斯理

西郊養疾聞暢校書有新什見贈久佇不至先

寄此詩

養病愜清夏郊園敷卉木窗夕含澗涼雨餘愛筠綠披
懷始高詠對琴轉幽獨仰子遊羣英吐詞如蘭馥還聞
枉嘉藻停望延昏旭惟見草青青閉門澧水曲

善福精舍示諸生

湛湛嘉樹陰清露夜景沈悄然羣物寂高閣似陰岑方
以玄默處豈為名跡侵法妙不知歸獨此抱冲襟齋舍
無餘物陶器與單衾諸生時列坐共愛風滿林

寄柳州韓司戶郎中

達識與昧機智殊跡同靜於焉得攜手屢賞清夜景瀟
灑陪高詠從容羨華省一逖風波遷南登桂陽嶺舊里
門空掩歡遊事皆屏悵望城闕遙幽居時序永春風吹
百卉和煦變閭井獨悶終日眠篇書不復省惟當望雨
露霑注荒遐境

寄大梁諸友

分竹守南譙弭節過梁池雄都衆君子出餞擁河湄燕
謔始云洽方舟已解維一為風水便但見山川馳昨日

次睢陽今夕宿符離雲樹愴重疊煙波念還期相敦在
勤事海內方勞師

郡中對雨贈元錫兼簡楊凌

宿雨冒空山空城響秋葉沈沈暮色至淒淒涼氣入蕭
條林表散的皦荷上集夜霧著衣重新苔侵履濕遇茲
端憂日賴與嘉賓接

元日寄諸弟兼呈崔都水

一從守茲郡兩鬢生素髮新正加我年故歲去超忽淮

濱異時候了似仲秋月川谷風景溫城池草木發高齋
屬多暇惆悵臨芳物日月昧還期念君何時歇

寄皎然上人

吳興老釋子野雪蓋精廬詩名徒自振道心長晏如想
茲棲禪夜見月東峰初鳴鐘驚巖壑焚香滿空虛叨慕
端成舊未識豈為疏願以碧雲思方君怨別餘茂苑文
華地流水古僧居何當一游咏倚閣吟躊躇

送李十四山東遊

聖朝有遺逸披膽謁至尊豈是賢榮寵誓將救元元權
豪非所便書奏寢禁門高歌長安酒忠憤不可吞歛來
客河洛日與靜者論濟世翻小事丹砂駐精魂東遊無
復繫梁楚多大藩高論動侯伯踈懷脫塵喧送君都門
野飲我林中樽立馬望東道白雲滿梁園踟躕欲何贈
空是平生言

送令狐岫宰恩陽

大雪天地閉羣山夜來晴居家猶苦寒子有千里行行

行安得辭荷此蒲壁榮賢豪爭追攀飲餞出西京樽酒
豈不歡暮春自有程離人起視日僕御促前征逶遲歲
已窮當造巴子城和風被草木江水日夜清從來知善
政離別慰友生

送洛陽韓丞東遊

仙鳥何飄飄綠衣翠為襟顧我差池羽交交懷好音徘徊洛陽中遊戲清川海神交不在結歡愛自中心駕言忽徂征雲路邈且深朝遊尚同喙夕息當異林出餞宿

東郊列筵屬城陰舉酒欲為樂憂懷方沈沈

送丘員外還山

長棲白雲表雙訪高齋宿還辭郡邑詎歸泛松江淥結
茅隱蒼巖伐薪響深谷同是山中人不知往來躅靈芝
非庭草遼鶴委池驚終當署里門一表高陽族

送豆盧策秀才

歲交冰未泮地卑海氣昏子有京師遊始發吳閭門新
黃舍遠林微綠生陳根詩人感時節行道當憂煩古來

獲落者俱不事田園文如金石韻豈乏知音言方辭郡
齋榻為酌離亭樽無馬倦羈旅一去高飛翻

答李博士

休沐去人遠高齋出林杪晴山多碧峰顥氣凝秋曉端
居喜良友枉使千里路緘書當夏時開緘時已度簷
已颿颿荷露方蕭颿夢遠竹窗幽行稀蘭徑合舊居共
南北往來只如昨問君今為誰日夕度清洛

清都觀答幼遐

逍遙仙家子日夕朝玉皇興高
清露沒渴飲瓊華漿解組一來
款披衣拂天香粲然顧我笑綠
簡發新章泠泠如玉音馥馥若
蘭芳浩意坐盈此月華殊未央
却念喧譁日何由得清涼疎松
抗高殿密竹蔭長廊榮名等糞
土攜手隨風翔

答暢校書

偶然棄官去投跡在田中日出
照茅屋園林養愚蒙雖云無一
資樽酌會不空且歡百穀成仰
歎造化功出入

與民伍作事靡不同時伐南澗竹夜還澧水東貧蹇自
成退豈為高人蹤覽君金玉篇彩色發我容日日欲為
報方春已徂冬

答楊奉禮

多病守山郡自得接嘉賓不見三四日曠若十餘旬臨
觴獨無味對榻已生塵一詠舟中作灑雪忽驚心煙波
見棲旅景物具昭陳秋塘惟落葉野寺不逢人白事廷
吏簡閒居文墨親高天池閣靜寒菊霜露頻應當整孤

棹歸來展殷勤

答董陽

省札陳往事愴憶數年中一身朝北闕家累守田農望
山亦臨水暇日每來同性情一踈散園林多清風忽復
隔淮海夢想在澧東病來經時節起見秋塘空城郭連
榛嶺鳥雀噪溝叢坐使驚霜鬢撩亂已如蓬

答河南李士巽題香山寺

洛都遊宦日少年攜手行投杯起芳席總轡振華纓開

塞有佳氣巖開伊水清攀林憩佛寺登高望都城蹉跎
二十載世務各所營茲賞長在夢故人安得并前歲守
九江恩召赴咸京因塗再登歷山河屬晴明寂寞僧侶
少蒼茫林木成牆宇或崩剝不見舊題名舊遊况存歿
獨此淚交橫

逢楊開府

少事武皇帝無賴恃恩私身作里中橫家藏亡命兒朝
持檣蒲局暮竊東隣姬司隸不敢捕立在白玉墀驪山

風雪夜長楊校獵時一字都不識飲酒試頑癡武皇升
仙去憔悴被人欺讀書事已晚把筆欲題詩兩府始收
跡南宮謬見推非才果不容出守撫嬖僇忽逢楊開府
論舊涕俱垂坐客何由識惟有故人知

夏夜憶盧嵩

靄靄高館暮開軒滌煩襟不知湘雨來瀟灑在幽林炎
月得涼夜芳樽誰與斟故人南北居累月間徽音人生
無間日歡會當在今反側候天旦層城苦沈沈

池上懷王卿

山居捐世事佳雨散園芳
入門霽已綠水禽鳴春塘重
雲始成夕忽霽尚殘陽輕舟因風泛郡閣望蒼蒼私燕
阻外好臨歡一停觴茲遊無時盡旭日願相將

乘月過西郊渡

遠山含紫氛春野靄云暮值此歸時月流連西澗渡謬
當文墨會得與羣英遇賞逐亂流翻心將清景悟行車
儼未轉芳草空盈步已舉候亭火猶愛村原樹還當守

故局恨恨乖情素

授衣還田里

公門懸甲令，澣濯遂其私。
晨起懷愴惻，野田寒露時。
氣收天地廣，風淒草木衰。
山明始重疊，川淺更逶迤。
煙火生閭里，禾黍積東菑。
終然可樂業，時節一來斯。

自蒲塘驛廻駕經歷山水

館宿風雨滯，始晴行益轉。
潯陽山水多，草木俱紛綺。
嵒緣碧澗蒼，翠踐苔蘚高。
樹夾潺湲崩，石橫陰巖野。
杏

依寒坼餘雪冒嵐淺性慙形豈勞境殊路遺緬憶昔終
南下佳遊亦屢展時禽下流暮紛思何由遣

山行積雨歸塗始霽

攬轡窮登降陰雨遣二旬但見白雲合不覩巖中春急
澗豈易揭峻塗良難遵深林猿聲冷沮洳虎跡新始霽
升陽景山水閑清晨雜花積如霧百卉淒已陳鳴騶屢
驤首歸路自欣欣

出還

昔出喜還家今還獨傷意入室掩無光銜哀寫虛位悽
悽動幽幔寂寂驚寒吹幼女復何知時來庭下戲咨嗟
日復老錯莫身如寄家人勸我餐對案空垂淚

端居感懷

沈沈積素抱婉婉屬之子永日獨無言忽驚振衣起方
如在幃室復悟永終已穉子傷恩絕盛時若流水暄涼
同寡趣朗晦俱無理寂性常喻人滯情今在已空房欲
云暮巢燕亦來止夏木遽成陰綠苔誰復履感至竟何

方幽獨長如此

登西南岡卜居遇雨尋竹浪至澧壩縈帶數里

清流茂樹雲物可賞

登高創危構林表見川流微雨颯已至蕭條川氣秋下
尋密竹盡忽見沙際遊紆直水分野縣延稼盈疇寒花
明廢墟樵牧笑榛丘雲水成陰澹竹樹更清幽適自戀
佳賞復茲永日留

龍門遊眺

鑿山導伊流中斷若天闕都門遙相望佳氣生朝夕素
懷出塵意適有攜手客精舍繞層阿千龕峭壁緣雲
路猶緬憩澗鐘已寂花樹發煙華淙流散石脉長嘯招
遠風臨潭漱金碧日落望都城人間何役役

觀田家

微雨衆卉新一雷驚蟄始田家幾日閒耕種從此起丁
壯俱在野場圃亦就理歸來景常晏飲犢西澗水饑飭
不自苦膏澤且為喜倉廩無宿儲徭役猶未已方慙不

耕者祿食出閭里

遊靈巖寺

始入松路永獨欣山寺幽不知臨絕檻乃見西江流吳
岫分煙景楚甸散林丘方悟關塞渺重軫故園愁聞鐘
戒歸騎憇澗惜良遊地疎泉谷狹春深草木稠茲焉賞
未極清景期杪秋

東郊

吏舍跼終年出郊曠清曙楊柳散和風青山澹吾慮依

叢適自憩緣澗還復去微雨霽芳原春鳩鳴何處樂幽
心屢止遵事跡猶遽終罷斯結廬慕陶真可庶

藍嶺精舍

石壁精舍高排雲聊直上佳遊愜始願忘險得前賞岷
傾景方晦谷轉川如掌綠林含蕭條飛閣起弘敞道人
上方至深夜還獨徃日落羣山陰天秋百泉響所嗟累
已成安得長偃仰

任洛陽丞請告

方鑿不受圓直木不為輪揆才各有用反性生苦辛折
腰非吾事飲水非吾貪休告卧空館養病絕囂塵遊魚
自成族野鳥亦有羣家園杜陵下千歲心氛氲天晴嵩
山高雪後河洛春喬木猶未芳百草日已新著書復何
為當去東臯耘

縣齋

仲春時景好草木漸舒榮公門且無事微雨園林清決
泱水泉動欣欣衆鳥鳴閒齋始延矚東作興庶眊即事

翫文墨抱冲披道經於焉日澹泊徒使芳樽盈

郡內閒居

棲息絕塵侶屏鈍得自怡腰懸竹使符心與廬山緇永
日一酣寢起坐兀無思長廊獨省雨衆藥發幽姿今夕
已云罷明晨復如斯何事能為累寵辱豈要辭

幽居

貴賤雖異等出門皆有營獨無外物牽遂此幽居情微
雨夜來過不知春草生青山忽已曙鳥雀繞舍鳴時與

道人偶或隨樵者行自當安蹇劣誰謂薄世榮

種藥

好讀神農書多識藥草名持鱖購山客移蒔羅衆英不
改幽澗色宛如此地生汲井既蒙澤挿援亦扶傾陰穎
夕房斂陽條夏花明悅玩從茲始日夕繞庭行州民自
寡訟養閒非政成

相逢行

二十登漢朝英聲邁今古適從東方來又欲謁明主猶

酣新豐酒尚帶灞陵雨邂逅兩相逢別來問寒暑寧知
白日晚鬢向花間語忽聞長樂鐘走馬東西去

淮上喜會梁州故人

江淮曾為客相逢每醉還浮雲一別後流水十年間歡
笑情如舊蕭疎鬢已班何因北歸去淮上對秋山

夜偶詩客操公作

塵襟一瀟灑清夜得禪公遠自鶴林寺了知人世空驚
禽翻暗葉流水注幽叢多謝非玄度聊將詩興同

與韓庫部會王祠曹宅作

閒門陰堤柳秋渠含夕清微風送荷氣坐客散塵纓守
默共無悵抱冲俱寡營良時頗高會琴酌共開情

南塘泛舟會元六昆季

端居倦時燠輕舟泛迴塘微風飄襟散橫吹繞林長雲
澹水容夕雨微荷氣涼一寫悵勤意寧用訴華觴

聽嘉陵江水聲寄深上人

鑿岷泄奔湍稱古神禹跡夜喧山門店獨宿不安席水

性自云靜石中本無聲如何兩相激雷轉空山驚

贈李儋

絲桐本異質音響合自然吾觀造化意二物相因緣
誤觸龍鳳嘯靜聞寒夜泉心神自安宅煩慮頓可捐
何因知久要絲白漆亦堅

初發揚子寄元大校書

悽悽去親愛泛泛入煙霧歸棹洛陽人殘鐘廣陵樹
今朝此為別何處還相遇世事波上舟沿洄安得住

淮上即事寄廣陵親故

前舟已渺渺欲渡誰相待
秋山起暮鐘楚雨連滄海
風波離思滿宿昔容鬢改
獨鳥下東南廣陵何處在

對雨寄韓庫部協

風至池館涼霽然和曉霧
蕭條集新荷氤氲散高樹
閒居興方淡默想心已屢
暫出仍濕衣况君東城住

對雪贈徐秀才

靡靡寒欲收霽霽陰還結
晨起望南端千林散春雪
妍

光屬瑤階亂緒凌新節無為掩扉卧獨守袁生轍

獨遊西齋寄崔主簿

同心忽已別昨事方成昔幽徑還獨尋綠苔見行跡秋
齋正蕭散煙水易昏夕憂來結幾重非君那可釋

寺居獨夜寄崔主簿

幽人寂不寐木葉紛紛落寒雨暗深更流螢度高閣坐
使青燈曉還傷夏衣薄寧知歲方晏離居更蕭索

春日郊居寄萬年吉少府中孚三原少府偉夏

侯校書審

谷鳥時一嚙田園春雨餘光風動林早高窗照日初獨
飲澗中水吟詠老氏書城闕應多事誰憶此間居

秋夜南宮寄澧上弟及諸生

暝色起煙閣沈抱積離憂况茲風雨夜蕭條梧葉秋空
宇感涼至顏顏驚歲周日夕遊關下山水憶同遊

新秋夜寄諸弟

兩地俱秋夕相望共星河高梧一葉下空齋歸思多方

用憂人瘼况自抱微疴無將別來近顏鬢已蹉跎

郊園聞蟬寄諸弟

去歲郊園別聞蟬在蘭省今歲卧南譙蟬鳴歸路永夕
響依山郭餘悲散秋景緘書報此時此衷方耿耿

社日寄崔都水及諸弟羣屬

山郡多暇日社時放吏歸坐閣獨成悶行塘閱清輝春
風動高柳芳園掩夕扉遙思里中會心緒悵微微

寄楊協律

吏散門閣掩烏鳴山郡中遠念長江別俯覺座隅空丹
泊南池雨簾卷北樓風併罷芳樽燕為愴昨時同

郡齋贈王卿

無術謬稱簡素餐空自嗟秋齋雨成滯山藥寒始華
落人皆笑幽獨歲逾奢惟君出塵意賞愛似山家

寄全椒山中道士

今朝郡齋冷忽念山中客澗底束荆薪歸來煮白石欲
持一瓢酒遠慰風雨夕落葉滿空山何處尋行跡

示全真元常

余辭郡符去爾為外事寧寧知風雪夜復此對牀眠始
話南池飲更詠西樓篇無將一會易歲月坐推遷

簡盧陟

可憐白雪曲未遇知音人恓惶戎旅下蹉跎淮海濱澗
樹含朝雨山鳥吟餘春我有一瓢酒可以慰風塵

西郊即事示盧陟

寢扉臨碧澗晨起澹忘情空林細雨至圓文徧水生永

日無餘事山中伐木聲知子塵喧久暫可散煩襟

登郡寄京師諸李淮南子弟

始罷永陽守復卧潯陽樓懸檻飄寒雨危堞侵江流迨
茲聞雁夜重憶別離秋徒有盈樽酒鎮此百端憂

送顏司議使蜀訪圖書

輶駕一封急蜀門千嶺曛詎分江轉字但見路緣雲山
館夜聽雨秋猿獨叫羣無為久留滯聖主待遺文

送蘇評事

季弟仕譙都元兄坐蘭省言訪始欣欣念離當耿耿
嵯峨夏雲起迢遞山川永登高望去塵紛思終難整

送元錫楊凌

荒林翳山郭積水成秋晦端居意自違况別親與愛
歡筵慊未足離燈悄已對還當掩郡閣佇君方此會

重送丘二十二還臨平山居

歲中始再覲方來又解携纔留野艇語已憶故山棲
幽澗人夜汲深林鳥長啼還持郡齋酒慰子霜露淒

訓廬蒿秋夜見寄五韻

喬木生夜涼月華滿前墀去君咫尺地勞君千里思素
秉栖遁志况貽招隱詩坐見林木榮願赴滄洲期何能
待歲晏携手當此時

長安遇馮著

客從東方來衣上灞陵雨問客何為者采山因買斧冥
冥花正開颺颺燕新乳昨別今已春鬢絲生幾縷

將發楚州經寶應縣訪李二忽於州館相遇月

夜書事因簡李寶應

孤舟欲夜發祇為訪情人此地忽相遇留連意更新停
杯嗟別久對月言家貧一問臨邛令如何待上賓

春中憶元二

雨歇萬井春柔條已含綠徘徊洛陽陌惆悵杜陵曲游
絲高正下啼鳥斷還續有酒今不同思君瑩如玉

曉至園中憶諸弟崔都水

山郭恒悄悄林月亦娟娟景清神已澄事簡慮絕牽秋

金少卿集卷之九
塘徧衰草曉露洗紅蓮不見心所愛茲賞豈為妍

始夏南園思舊里

夏首雲物變雨餘草木繁池荷初帖水林花已掃園
紫叢蝶尚亂依閣鳥猶喧對此殘芳月憶在漢陵原

夕次盱眙縣

落帆逗淮鎮停舫臨孤驛浩浩風起波冥冥日沈夕
人歸山郭暗雁下蘆洲白獨夜憶秦關聽鐘未眠客

對芳樹

迢迢芳園樹列映清池曲對此傷人心還如故時綠風
條灑餘靄露葉承新旭佳人不再攀下有往來躅

閒齋對雨

幽獨自盈抱陰澹亦連朝空齋對高樹疎雨共蕭條巢
燕翻泥濕蕙花依砌消端居念往事倏忽苦驚飈

林園晚霽

雨歇見青山落日照園林山多煙鳥亂林清風景翻提
携惟子弟蕭散在琴言同遊不同意耿耿獨傷魂

秋夜二首

庭樹轉蕭蕭陰蟲還戚戚獨向高齋眠夜聞寒雨滴微
風時動牖殘燈尚留壁惆悵平生懷偏來委今夕
霜露已淒淒星漢復昭回朔風中夜起驚鴻千里來蕭
條涼葉下寂寞清砧哀歲晏仰空宇心事若寒灰

感夢

歲月轉蕪漫形影長寂寥髣髴覩微夢感歎起中宵
思沈流月驚魂颯颯誰念茲夕永坐令顏髮凋

樓中月夜

端令倚懸檻長望抱沈憂寧知故園月今夕在茲樓
衰蓮送餘馥華露湛新秋坐見蒼林變清輝愴已休

府舍月遊

官舍耿深夜佳月喜同遊橫河俱半落汎露忽驚秋
散彩疎羣樹分規澄素流心期與浩景蒼蒼殊未收

再遊西郊渡

水曲一追遊遊人重懷戀嬋娟昨夜月還向波中見驚

禽棲不定流芳寒未徧攜手更何時佇看花似霰

春遊南京

川明氣已變巖寒雲尚擁南亭草心綠春塘泉脉動景
煦聽禽響雨餘看柳重逍遙池塘句益愧專城寵

遊溪

野水煙鶴唳楚天雲雨空翫舟清景晚垂釣綠蒲中落
花飄旅衣歸流濫清風緣源不可極遠樹但青葱

遊開元精舍

夏衣始輕體遊步愛僧居
果園新雨後香臺照日初
綠陰生晝靜孤花表春餘
符竹方為累形跡一來疎

同韓郎中閒庭南望秋景

朝下抱餘素地高心本閒
如何趨府客罷秩見秋山
疎樹共寒意遊禽同暮還
因君悟清景西望一開顏

行寬禪師院

北望極長廊斜扉映叢竹
亭午一來尋院幽僧亦獨
惟聞山鳥啼愛此林下宿

澄秀上座

繚繞西南隅鳥聲轉幽靜秀公今不在獨禮高僧影林
下器未收何人適煮茗

曇智禪師院

高年不復出門徑衆草生時夏方新雨果藥發餘榮疎
澹下林景流暮幽禽情身名兩俱遣獨此野寺行

起度律師同居東齋院

釋子喜相偶幽林俱避喧安居同僧夏清夜諷道言對

閣景恒晏步庭陰始繁逍遙無一事松風入南軒

遊南齋

池上鳴佳禽僧院日幽寂高林晚露清紅藥無人摘
春水不生煙荒岡雲翳石不應朝夕遊良為蹉跎客

夏景園廬

草木晝陰靜北窗涼風多閑居逾時節夏雲已嵯峨
葉愛繁綠緣澗弄驚波豈為論風志對此青山阿

題鄭弘憲侍御遺愛草堂

居士近依僧青山結茅屋疎松映嵐晚春池含苔綠繁
華冒陽嶺新禽響幽谷長嘯攀喬林慕茲高世躅

題鄭拾遺草堂

借地結茅棟橫竹挂朝衣秋園雨中綠幽居塵事違陰
井夕蟲亂高林霜果穉子有白雲意構此想巖扉

夜直省中

河漢有秋意南宮生早涼玉漏殊杳杳雲闕更蒼蒼華
燈發新燄輕煙浮夕香顧迹知為泰束帶愧周行

燕居即事

蕭條竹林院風雨叢蘭折幽鳥林上啼青苔人跡絕燕
居日已永夏木紛成結几閣積羣書時來北窓閱

郡中西齋

似與塵境絕蕭條齋舍秋寒花獨經雨山禽時到州清
觴養真氣玉書示道流豈將符守戀幸以棲心幽

秋夜

暗窓涼葉動秋天寢席單憂人半夜起明月在林端一

與清景遇每憶平生歡如何方惻愴披衣露更寒

雪中

空堂歲已晏密室獨安眠
歷條夜偏積覆閣曉逾妍
連山暗古郡驚風散一川
此時騎馬出忽憶京華年

郡齋移杉

擢幹方數尺幽姿已蒼然
結根西山寺來植郡齋前
新含野露氣稍靜高窓眠
雖為賞心遇豈有巖中緣

花徑

山花夾逕幽古梵生苔澀胡牀理事餘玉琴承露濕朝
與詩人賞夜携禪客入自是塵外蹤無令吏趨急

慈恩寺南池秋荷詠

對殿含涼氣裁規覆清沼衰紅受露多餘馥依人少蕭
蕭遠塵跡颯颯凌秋曉節謝客來稀迴塘方獨遶

題石橋

遠學臨海嶠橫此莓苔石郡齋三四峯如有靈仙跡方
愁暮雲滑始照寒池碧自與幽人期逍遙竟朝夕

山耕叟

蕭蕭垂白髮默默詎知情獨放寒林燒多尋虎跡行暮
歸何處宿來此空山耕

上方僧

見月出東山上方高處禪空林無宿火獨夜汲寒泉不
下藍溪寺今年三十年

贈孫徵時赴雲中

黃驄少年舞雙戟目視傍人皆辟易百戰曾誇隴上兒

一身復作雲中客寒風動地氣蒼茫橫笛先悲出塞長
敲石軍中傳夜火斧冰河畔汲朝漿前鋒直指陰山外
虜騎紛紛遇應碎匈奴破盡看君歸金印論功如斗大
橫塘行

妾家住橫塘夫婿郝家郎玉盤的歷矢白魚湘簾玲瓏
透象牀象牀可寢魚可食不知郎意何南北岼上種蓮
豈得生池中種槿豈得成丈夫一去花落樹妾獨長夜
心未平

古劍行

千年土中兩刃鐵土蝕不入金星滅沈沈青脊鱗甲滿
蛟龍無足蛇尾斷忽欲動中有靈豪士得之敵國寶仇
家舉意半夜鳴小兒女子不可近龍蛟變化此中隱夏
雲奔走雷聞闐恐成霹靂飛上天

聽鶯曲

東方欲曙花冥冥啼鶯相喚亦可聽乍往乍來時遠近
纔聞南陌又東城忽似上林翻下苑絲絲蠻蠻如有情

欲轉不轉意自嬌
羌兒弄笛曲未調
前聲後聲不相及
秦女學箏指猶澀
須臾風暖朝日暝
流音變作百鳥喧
誰家懶婦驚殘夢
何處愁人憶故園
伯勞飛過聲跼促
戴勝下時桑田綠
不及流鶯日日啼
花間能使萬家春
意閒有時斷續聽
不了飛去花枝猶
裊裊還栖碧樹鎖
千門春漏方殘一
聲曉

送褚校書歸舊山歌

握珠不反泉匣玉
不歸山明皇重士
亦如此忽怪褚生

何得還方稱羽獵賦未拜蘭臺職漢篋亡書已暗傳嵩
丘遺簡還能識朝朝待詔青鎖闥中有萬年之樹蓬萊
池世人仰望棲此地生獨徘徊意何為故山可往薇可
采一自人間星歲改藏書壁中苔半侵洗藥泉中月還
在春風飲餞灞陵原莫厭歸來朝市喧不見東方朔避
世從容金馬門

揚州偶會前洛陽盧耿主簿

楚塞故人稀相逢本不期猶存袖裏字忽怪鬢中絲客

含盈樽酒江行滿
篋詩更能連騎出
還似洛橋時

月夜徐十一草堂

空齋無一事
岫情故人期
暫輟觀書夜
還題玩月詩
遠鐘高枕後
清露卷簾時
暗覺新秋近
殘河欲曙遲

假中對雨呈縣中僚友

却足甘為笑
閒居夢杜陵
殘鶯知夏淺
社雨報年登
流麥非闕忘
收書獨不能
自然憂曠職
緘此謝良朋

贈蕭河南

金少川集卷四十九
厭劇辭京縣，褒賢待詔書。
鄼侯方繼業，潘令且閒居。
霽後三川冷，秋深萬木疎。
對琴無一事，新興復何如。

趨府候曉呈兩縣僚友

趨府不遑安，中宵出戶看。
遙天星尚皎，近壁燭仍殘。
立馬頻驚曙，垂簾却避寒。
可憐同事客，因悟下流難。

早春對雪寄前殿中元侍御

掃雪開幽徑，端居望故人。
猶殘臘月酒，更值早梅春。
幾日東城陌，何時曲水濱。
聞閒且共賞，莫待繡衣新。

對雨贈李主簿高秀才

邈迤曙雲薄散漫東風來
青山滿春野微雨灑輕埃
吏局勞佳士賓筵得上才
終朝狎文墨高興共徘徊

冬夜宿司空野店因寄酬贈

南北與山隣蓬庵庇一身
繁霜疑有雪荒草似無人
遂性在耕稼所交惟賤貧
何緣張掾傲每重德璋親

贈崔員外

一別十年事相逢淮海濱
還思洛陽日更話府中人
且

對清觴滿寧知白髮新
匆匆何處去車馬冒風塵

送宣城路錄事

江上宣城郡孤舟遠到時
雲林謝家宅山木敬亭祠
網紀多閒日觀遊得賦詩
都門且盡醉此別數年期

送李二歸楚州

情人南楚別復詠在原詩
忽此嗟岐路還令泣素絲
風波朝夕遠音信往來遲
好去扁舟客青雲何處期

送元倉曹歸廣陵

官閒得去住告別戀音徽舊國應無業他鄉到是歸
楚山明月滿淮南夜鐘微何處孤舟迢迢遙心曲違

送唐明府赴溧水

三為百里宰已過十餘年祇歎官如舊旋聞邑屢遷
魚鹽濱海利薑蔗傍湖田到此安恬俗琴堂思晏然

賦得鼎門送盧耿赴任

名因定鼎地門對鑿龍山水北樓臺近城南車馬還稍
開芳野靜欲掩暮鐘閒去此無嗟屈前賢尚抱關

賦得暮雨送李胄

楚江微雨裏，建業暮鐘時。
漠漠帆來重，冥冥鳥去遲。
海門深不見，浦樹遠含滋。
相送情無限，沾襟比散絲。

送榆次林明府

無嗟千里遠，亦是宰王畿。
策馬雨中去，逢人關外稀。
邑傳榆石在，路繞晉山微。
別思方蕭索，新秋一葉飛。

送別覃孝廉

思親自當去，不第未蹉跎。
家住青山下，門前芳草多。
秭

歸通遠徼巫峽注驚波州舉年年事還期復幾何

送開封盧少府

雄藩車馬地作尉有光輝滿席賓常待閭街燭夜歸關
河征旆遠煙樹夕陽微到處無留滯梁園花欲稀

送槐廣落第歸揚州

下第常稱屈少年心獨輕拜親歸海畔似舅得詩名晚
對青山別遠尋芳草行還期應不遠寒露濕燕城

送汾城王主簿

少年初帶印汾上又經過芳草歸時徧情人故郡多禁
鐘春雨細宮樹野煙和相望東橋別微風起夕波

奉送從兄宰晉陵

東郊暮草歇千里夏雲生立馬愁將夕看山獨送行依
微吳苑樹迢遞晉陵城慰此斷行別邑人多頌聲

送五經趙隨登科授廣德尉

明經有清秩當在石渠中獨往宣城郡高齋謁謝公寒
原正蕪漫夕鳥自西東秋日不堪別淒淒多朔風

送姚孫還河中

上國旅遊罷故園生事微風塵滿路起行子何時歸留
思芳樹蔭惜別暮春暉幾日投關郡河山對掩扉

任洛陽丞答前長安田少府問

相逢且對酒相問欲何如數歲猶畀吏家人笑著書告
歸應未得禁官又知疎日日生春草空令憶舊居

清明日憶諸弟

冷食方多病開襟一忻然終令思故郡煙火滿晴川杏

粥猶堪食榆羹已稍煎惟恨垂親燕坐度此芳年

陪元侍御春遊

何處醉春風長安西復東不因俱罷職宜得此時同
賞酒宣平里尋芳下苑中往來楊柳陌猶避昔年驄

夜對流螢作

月暗竹亭幽螢光拂席流還思故園夜更度一年秋
自悵觀書興何慙秉燭遊府中徒冉冉明發好歸休

贈王侍御

心同野鶴與塵遠詩似冰壺見底清
府縣同趨他日事
升沈不改故人情
上陽秋晚蕭蕭雨
洛水寒來夜夜聲
自歎猶為折腰吏
可憐驄馬路傍行

自鞏洛舟行入黃河即事寄府縣僚友

落日蒼山路向東
東南山豁大河通
寒樹依微遠天外
夕陽明滅亂流中
孤村幾歲臨伊水
一雁初晴下朔風
為報洛橋遊宦旅
扁舟不繫與心同

寓居澧上精舍寄于張二舍人

萬木叢雲出香閣西連碧澗竹林園高齋居宿遠山曙
微霰下庭寒雀喧道心澹泊對流水生事蕭疎空掩門
時憶故交那得見曉排闥闔奉明恩

寄答秘書王丞

相看頭白來城關却憶漳溪舊往還今體詩中偏出格
常參官裏每同班街西借宅多臨水馬上逢人亦說山
芸閣水曹雖至冷與君常喜得閒閒

寄李儋元錫

去年花裏逢君別，今日花開又一年。世事茫茫難自料，
春愁閣閣獨成眠。身多疾病思田里，邑有流亡愧俸錢。
聞道欲求相問訊，西樓望月幾迴圓。

送張八元秀才擢第往上都應制

決勝文場戰已酣，行應辟命復才堪。旅食不辭遊闕下，
春衣未換報江南。天邊宿鳥生歸思，關外晴山滿夕嵐。
立馬欲從何處別，都門楊柳正毵毵。

送常侍御却使西蕃

歸奏明君行萬里却銜天詔報蕃臣本是諸生守文墨
今將匹馬靜煙塵旅宿關河逢暮雨春耕亭障識遺民
此去多應收故地寧辭沙塞往來頻

假中枉盧二十二書亦稱卧疾兼訝李二久不
訪問以詩答書因以戲李二

微官何事勞趨走服藥閒眠養不才花裏棋盤憎鳥污
枕邊書卷訝風開故人問訊緣同病芳月相思阻一杯
應笑王戎成俗物遙持麈尾獨徘徊

送崔押衙之相州

禮樂儒家子英豪燕趙風
驅雞嘗理邑走馬却從戎
白刃千夫闢黃金四海同
嫖姚恩顧下諸將指麾中
別路憐芳草歸心伴塞鴻
鄴城新騎滿魏帝舊臺空
望闕應懷戀遭時貴立功
萬方如已靜何處欲輸忠

西郊期滌武不至書示

山高鳴過雨澗樹落殘花
非闕春不待當由期自賒

寄繫師

林院生夜色西廊上紗燈時憶長松下獨坐一山僧

寄盧陟

柳葉徧寒塘曉霜凝高閣累日此留連別來成寂寞

宿永陽寄璨律師

遙知郡齋夜凍雪封松竹時有山僧來懸燈獨自宿

秋夜寄丘二十二員外

懷君屬秋夜散步詠涼天山空松子落幽人應未眠

聽江笛送陸侍御

遠聽江上笛臨觴一送君還愁獨宿夜更向郡齋聞

答李瀚三首

孤客逢春暮緘情寄舊遊海隅人使遠書到洛陽秋
馬卿猶有壁漁父自無家想子今何處扁舟隱荻花
林中觀易罷溪上對鷗閒楚俗饒辭客何人最往還

答王卿送別

去馬嘶春草歸人立夕陽元知數日別要使兩情傷

懷琅琊深標二釋子

白雲埋大壑陰崖滴夜泉應居西石室月照山蒼然

閭門懷古

獨鳥下高樹遙知吳苑園淒涼千古事日暮倚閭門

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣青山出遠林晴明一登望蕭灑此幽襟

晚登郡閣

悵然高閣望已掩東城闕春風偏送柳夜景復沈山

詠聲

萬物自生聽太空恒寂寥還從靜中起却向靜中消

同襄子秋齋獨宿

山月曠如燭風霜時動竹夜半鳥驚栖窓間人獨宿

對殘燈

獨照碧窓久欲隨寒燼滅幽人將遽眠解帶翻成結

玩螢火

時節變衰草物色近新秋
度月影纔斂繞竹光復流
夜間獨鳥啼

失侶度山窺投林舍北啼
今將獨夜意偏知對影栖
聞雁

故園眇何處歸思方悠哉
淮南秋雨夜高齋聞雁來
縣內閒居贈溫公

滿郭春風嵐已昏
鷗栖吏散掩重門
雖居世網常清淨
夜對高僧無一言

登樓寄王卿

踏閣攀林恨不同，楚雲滄海思無窮。
數家砧杵秋山下，一郡荆榛寒雨中。

寒食寄京師諸弟

雨中禁火空齋冷，江上流鶯獨坐聽。
把酒看花想諸弟，杜陵寒食草青青。

賦得沙際路送從叔

獨樹沙邊人跡稀，欲行愁遠暮鐘時。
野泉幾處侵應盡，

不過山僧知問誰

送王校書

同宿高齋換時節共看移石復栽杉
送君江浦已惆悵更上西樓望遠帆

答東林道士

紫閣西邊第幾家茅齋夜雪虎行踪
遙看黛色知何處欲出山門尋暮鐘

答鄭騎曹青橘絕句

憐君卧病思新橘試摘猶酸亦未黃書後欲題三百顆
洞庭須待滿林霜

休暇日訪王侍御不過

九日驅馳一日閒尋君不過又空還
惟來詩思清人骨
門對寒流雪滿山

登寶意寺上方舊遊

翠嶺香臺出半天萬家煙樹滿晴川
諸僧近住不相識
坐聽微鐘記往年

野次聽元昌奏橫笛

立馬蓮塘吹橫笛微風動柳生水波北人聽罷淚將落
南人曲中淚更多

九日

今朝把酒復惆悵憶在杜陵田舍時明年九日知何處
世難還家未有期

滁州西澗

獨憐幽草澗邊生上有黃鸝深樹鳴春潮帶雨晚來急

野渡無人舟自橫



石倉歷代詩選卷四十九

欽定四庫全書

集部

石倉歷代詩選卷

五十一

詳校官庶吉士臣范逢恩

侍讀臣孫球覆勘

總校官進士臣朱鈐

校對官編修臣潘曾起

謄錄監生臣湯應昌

欽定四庫全書

石倉歷代詩選卷五十

明 曹學佺 編

中唐四

韓翃

字君平
南平人

令狐員外宅宴寄中丞

寒色疑羅幕同人清夜期
玉杯留醉處銀燭送歸時
獨坐隔千里空吟對雪詩

送李明府赴滑州

渭城寒食過送客歸遠道烏帽背斜暉青驄踏春草酒
醒孤燭夜衣冷千山早去事沈尚書應憐詞賦好

贈別崔司直赴江東兼簡常州獨孤使君

愛君青袍色芳草能相似官重法家流名高墨曹吏春
衣淮上宿美酒江邊醉楚酪沃雕胡湘羹糝香餌前朝
山水國舊日風流地蘇小逐青驄江家驅白鼻右軍尚
少年三領東方騎經歷古丹陽應知百城貴

送客之江寧

春流送客不應賒
南入徐州見柳花
朱雀橋邊看淮水
烏衣巷裏問王家
千閭萬井無多事
闕牖開襟向山翠
楚雲朝下石頭城
江鷺雙飛瓦棺寺
吳士風流甚可親
相逢嘉賞日應新
從來此地夸羊酪
自有尊羹定却人

送山陰姚丞携妓之任兼寄山陰蘇少府

東風香草路南容
心容與白皙吳王孫
青娥柳家女都門
數騎出河口
片帆舉夜簾
眠摘洲春山
傍楓嶼山陰

政簡甚從容到罷唯求物外踪落日花邊剡溪水晴煙
竹裏會稽峰才子風流蘇伯玉同官曉暮應相逐加飡
共愛鱸魚肥醒酒仍憐甘蔗熟知君鍊思本清新季子
如今德有隣他日相尋始寧墅題詩早晚寄西人

和高平朱叅軍思歸作

髯叅軍髯叅軍身為北州吏心寄東山雲坐見萋萋芳
草綠遙思往日晴江曲刺船頻向剡中回捧被曾過越
人宿花裏鶯啼白日高春樓把酒送車螯狂歌好愛陶

彭澤佳句惟稱謝法曹平生樂事多如此恐為浮名隔
千里一雁南飛動客心思歸何待秋風起

贈別成明府赴劍南

朝辭二室印晚為三蜀人遙知下車日正及己山春縣
道橘花裏驛流水濱公門輒無事勝地能相親解衣
初醉綠芳夕應採蹲鴟薦佳客靈光遠映西川時閒望
碧雞飛古祠愛君樂事佳興發天外銅梁多夢思

送客還江東

還家不落春風後數日應沾越人酒池畔花深闕鴨欄
橋邊雨洗藏花柳遙憐內舍着新衣復向鄰家醉落暉
把手閒歌香橋下空山一望鷓鴣飛

送李湜下第歸衛州便遊河北

莫嗟太常屈便入蘇門嘯道在應未遲勿作我身料輕
雲日下不成陰出對流芳攪別心萬雉城東春水濶千
人鄉北晚花深舊竹青青常繞宅到時疎曠應自適佳
期縱得上宮遊旅食還為北邙客路出司州勝景長西

山翠色帶清漳仙人磯近茱萸澗銅雀臺臨野馬岡屢
道主人多愛士何辭策蹇千餘里高譚魏國訪先生修
刺平原過內史一舉青雲在早秋恐君從此便淹留有
錢莫向河間用載筆須來闕下遊

張山人草堂會王方士

嶼花晚山日長蕙帶麻襦食草堂一片水光飛入戶千
竿竹影亂登牆園梅熟家醞香新濕頭巾不復簪相看
醉倒卧藜牀

送修縣劉主簿楚

起家得事平原侯，晚出都門辭舊遊。
草色連綿幾千里，青驄蹀躞路旁子。
花深近縣宿河陽，竹映春舟渡淇水。
鄴下淹留佳賞新，羣公舊日心相親。
金盤曉饌朱衣餽，玉簾宵迎翠羽人。
王程書使前期促，他日應知舉鞭速。
寒水浮瓜五月時，把君香袖長河曲。

題玉山觀禪師蘭若

玉山宴坐移年月，錫杖冰思詣丹闕。
先朝親與會龍華，

紫禁鳴鐘白日斜
宮女焚香把經卷
天人就席禮袈裟
裨牀久卧虎溪水
蘭若初聞鳳城裏
不出驚塵見遠公
道成何必青蓮宮
朝持藥鉢千家近
暮倚繩牀一室空
掖垣揮翰君稱美
遠客陪遊問真理
薄宦深知誤此心
回心願學雷居士

送萬巨

漢相見王陵
揚州事張禹
風帆木蘭拽
水國蓮花府
百丈清江十月天
寒城鼓角曉鐘前
金鑪促膝諸曹吏
玉

管繁聲美少年有時過向長干地遠對湖光近山翠好
逢南苑看人歸也向西池留客醉疎柳垂煙橘帶霜朝
遊石渚暮橫塘紅牋色奪風流座白紵詞傾翰墨場夫
子前年入朝後高名籍籍時賢口共憐詩興轉清新繼
遠家聲在此身屈指待為青瑣客回頭莫美白亭人

送巴州楊使君

白雲縣北千山口青歲欲開殘雪後前驅錦帶魚皮鞮
側佩金璋虎頭綬南鄭侯家醉落暉東關陌上看鞭歸

愁看野馬隨官騎笑取秦人帶客旗使者下車憂疾苦
家吏銷聲出公府萬里歌鐘相慶時已童聲節渝兒舞
送王侍御赴江西魚寄李袁州

中朝理章服南國隨旌旆臘酒湘城隅春衣楚江外垂
簾白角簾下筋鱸魚繪雄筆佐名公虛舟應時輩按俗
承流幾路清平明山靄春江雲溢城詩贈魚司馬汝水
人逢王右軍綠蘋白芷遙相引孤興幽尋知不近井上
銅人行見無湖中石燕飛應盡禮門前直事星郎腰垂

青綬領宜陽花間五馬迎君日雨霽煙開玉女岡

留別孟都督

平蕪霽色寒城下美酒百壺爭勸把連呼寶劍銳頭兒
少駐金羈大絡馬一飲留歡分有餘寸心懷思復何如
他時相憶如相問青瑣門前開素書

贈別王侍御赴上都

翩翩馬上郎執簡佩銀章西向洛陽歸鄆杜回頭結念
蓮花府朝辭芳草萬歲街暮宿春山一泉塢青青樹色

傍行衣乳燕流鶯相間飛遠過三峯臨八水幽尋佳賞
偏如此殘花片片細柳風落日疎鐘小槐雨相思掩泣
復何如公子門前人漸疎幸有心期當小暑葛衣紗帽
望回車

贈別太常李博士兼寄兩省舊遊

兩年戴武弁趨侍明光殿一朝簪惠文客事信陵君簡
異當朝執香非寓直薰差肩何記室攜手李將軍玉鐙
初回酸棗館金鈿正舞石榴裙忽驚萬事隨流水不見

雙旌逐塞雲感舊撫心多寂寂與君相遇頭初白暫誇
五首軍中詩還憶萬年枝下客昨日留歡今送歸空披
秋水映斜暉閒吟佳句對孤鶴惆悵寒霜落葉稀

贈別華陰道士

紫府先生舊同學腰垂彤管貯靈藥恥論方士小還丹
好飲仙人太玄酪芙蓉山頂玉池西一室半臨萬仞溪
晝灑瑤臺五雲濕夜行金燭七星齊回身暫下青冥裏
方外相尋有知己賣絲市中何許人釣魚座上誰家子

青青百草雲臺春煙駕霓衣白角巾露葉獨歸仙掌去
回風片雨謝時人

送崔秀才赴上元魚省叔父

寒塘斂暮雪臘鼓迎春早疋馬五城人重裘千里道淮
山輕露濕江樹狂風掃楚縣九醞醲揚州百花好練湖
東望接雲陽女市西游入建康行樂遠誇紅布旆風流
近賭紫香囊詩家行輩如君少極目苦心懷謝朓煙開
日上板橋南吳岫青青出林表

寄武陵李少府

小縣春山口公孫吏隱時
楚歌催晚醉蠻語入新詩
桂水遙相憶花源暗有期
郢門千里外莫訝尺書遲

送故人歸魯

魯客多歸興居人悵別情
雨餘衫袖冷風急馬蹄輕
秋草靈光殿寒雲曲阜城
知君親覲後少婦下機迎

送故人歸蜀

一騎西南遠翩翩入劍門
客衣筒布潤山舍荔枝繁古

廟祠金馬春江帶白龜自應成旅逸愛客有王孫

酬程延秋夜即事見贈

長簾迎風早空城澹月華星河秋一雁砧杵夜千家節
候看應晚心期卧亦賒向來吟秀句不覺已鳴鴉

題龍興寺澹師房

雙林苦行人詩興轉相親竹裏經聲晚門前山色春捲
簾苔點淨下筋藥苗新記取無生理歸來問此身

題蘇許公林亭

平津東閣在別是竹林期萬葉秋聲裏千家落照時門
隨深巷靜窓過遠鐘遲客舍苔生處依依又賦詩

送元詵還江東

過江秋色在詩興與歸心客路隨楓岫人家掃橘林潮
聲當晝起山翠近南深幾日華陽洞寒光引獨尋

送趙評事赴洪州使幕

孤舟行近遠一路過湘東官屬張廷尉身隨杜幼公山
河映湘竹水驛帶青楓萬里思君處秋江夜雨中

送李秀才歸江南

過淮芳草歇千里又東歸野水吳山出家村越鳥飛荷
香隨去棹梅雨點行衣無數滄江客如君達者稀

題僧房

披衣聞客至闌瑣此時開鳴磬夕陽盡捲簾秋色來名
香連竹徑清梵出花臺身在心無住他方到幾回

題慈仁寺竹院

千峰對古寺何異到西林幽磬蟬聲下閒窓竹翠陰詩

人謝客興法侶遠公心寂寂爐煙裏香花欲暮深

送崔過歸緇青幕府

平陵車馬客海上見旌旗舊驛千山下殘花一路時春
衣過水冷暮雨出關遲莫道青州客迢迢在夢思

華亭夜宴庾侍御宅

世故他年別心期此夜同千峰孤竹外片雨一更中酒
客逢山簡詩人得謝公自憐驅匹馬拂樹向關東

送郢州郎使君

千人挿羽迎知是范安城暮雪楚山冷春江漢水清紅
鮮供客飯翠竹引舟行一別何時見相思芳草生

送李中丞赴辰州

白羽逐青絲翩翩南下時巴人迎道路蠻塞引旌旗暮
雨山開少秋江葉落遲功成益地日應見竹郎祠

送李侍御歸宣州使幕

春草東江外翩翩北路歸官齊魏公子身逐謝玄暉山
色隨行騎鶯聲傍客衣主人池上酌攜手暮花飛

送金華王明府

縣舍江雲裏，心閒境復偏。
家貧陶令酒，俸薄沈郎錢。
黃蘗香山路，清楓暮雨天。
時聞引車騎，竹外向銅泉。

送張渚赴越州

白面誰家郎，清驍照地光。
桃花開綬色，蘇合借衣香。
暮雪蓮峰近，春江海市長。
風流似張緒，別後見垂楊。

送江陵元司錄

新領州從事，曾為朝大夫。
江城竹使待，山路橘官扶。
片

雨三江道殘秋五葉湖能令詩思好楚色與寒蕪

題薦福寺衡嶽陳師房

春城乞食還高論此中閑僧臘階前樹禪心江上山疎
簾看雪卷深戶映花關晚送門人出鐘聲杳靄間

送客遊江南

桂水隨去遠賞心知有餘衣香楚山橘手繪湘波魚芳
並不共把浮雲悵離居遙思汨羅上弔屈秋風初

贈長洲何主簿

掛席逐歸流依依望虎丘
殘春過楚縣夜雨宿吳洲
野寺吟詩入溪橋折筍游
到官無一事清靜有諸侯

送故人赴江陵尋庾牧

主人持節拜荊州走馬應從一路遊
斑竹岡連山雨暗枇杷門向楚天秋
佳期笑把齋中酒遠意閒登城上樓
文體此時看又別吾知小庾甚風流

送客水路歸陝

相風竿影曉來斜渭水東流去不賒
枕上未醒秦地酒

舟前已見陝人家春橋楊柳應齊葉古縣棠梨也作花
好是吾賢欣賞地行逢三月會連沙

送客歸江州

東歸復得采真遊江水迎君日夜流客舍不離青雀舫
人家多在白鷗洲風吹山帶遙知雨露濕荷裳已報秋
聞道淵明居止近籃輿相訪會淹留

題仙游觀

仙臺下見五城樓風物淒淒宿雨收山色遙連秦樹晚

砧聲近報漢宮秋
疎松影落空壇靜
細草香閒小洞幽
何用別尋方外去
人間亦自有丹丘

送冷朝陽還上元

青絲絳引木蘭船
名遂身歸拜慶年
落日澄江烏榜外
秋風疎柳白門前
橋通小市家林近
山帶平湖野寺連
別後依依寒食裏
共君攜手在東田

送王光輔歸青州兼寄儲侍郎

曾聞奏事建章宮
聖主偏知漢將功
身看紫衣趨闕下

口銜丹詔出關東
蟬聲驛路秋山裏
草色河橋落照中
遠憶故人滄海別
當年好躍五花驄

送長史李少府入蜀

行行獨出故關遲
南望千山無盡期
見舞巴童應暫笑
聞歌蜀道又堪悲
孤城晚閉清江上
匹馬寒嘶白露時
別後憶君君自見
山中何事不相思

送李明府使蘇州便赴告期

休言水國路迢迢
白馬吳門見不遙
楓樹林中經楚雨

木蘭舟上蹋江潮空山古寺千年石草色寒隄百尺橋
早晚盧家蘭室在珊珊玉珮徹青霄

送田明歸終南別業

故園此日多心賞窗下泉流竹外雲近館應逢沈道士
比隣日識卞田君離宮樹影登山見上苑鐘聲過雪聞
相勸早移丹鳳闕不須長戀白鷗羣

奉送王相公赴幽州

黃閣開帷幄丹墀侍冕旒位高湯左相權總漢諸侯不

改周南化仍分趙北憂雙旌過易水千騎入幽州塞草
連天暮邊聲動地秋無因隨遠道結束倚吳鉤

漢宮曲二首

駿馬繡障泥紅塵撲四蹄歸時何太晚日照杏花西
繡幕珊瑚鉤春開翡翠樓深情不肯道嬌倚鈿箜篌

羽林騎

駿馬牽來御極中鳴鞭欲向渭橋東紅蹄亂踏春城雪
花領驕嘶上苑風

漢宮曲

五柞宮中過臘春萬年枝上雪花殘倚窗夜閉玉堂靜
素綆朝穿金井寒

送客知鄂州

江口千家帶楚雲紅花亂點雪紛紛春風落日誰相見
青翰舟中有鄂君

寒食

春城何處不飛花寒食東風御柳斜一夜漢宮傳蠟燭

青煙散入五侯家

看調馬

鴛鴦赭白齒新齊
晚日花中散碧蹄
玉勒半回初噴沫
金鞭欲下不成嘶

宿石邑山中

浮雲不共此山齊
山靄蒼蒼望轉迷
曉月暫飛高樹裏
秋河隔在數峰西

江南曲

長樂花枝雨點銷江城日暮好相邀春樓不閉歲徒銷
綠水回連宛轉橋

贈張千牛

蓬萊闕下是天家上路新回白鼻騮急管畫催平樂酒
春衣夜宿杜陵花

少年行

千點爛裊玉勒驄青絲結尾繡纏騷揮鞭晚出章臺路
葉葉春衣楊柳風

題玉真觀李秘書院

白雲斜日影深松
玉宇瑤壇知幾重
把酒題詩人散後
華陽洞裏有疎鐘

送客泛五溪

南過猿聲一逖臣
回看秋草淚沾巾
寒天暮雪空山裏
幾處蠻家是主人

郎士元

字若曹
中山人

題劉相公三湘圖

昔日醉衡霍邇來憶南州
今朝平津邸兼得瀟湘遊
稍辨郢門樹依然芳杜洲
微明三巴峽咫尺萬里流
飛鳥不知倦遠帆生暮愁
涔陽指天末此緒空悠悠
枕上見漁父坐中當狎鷗
誰言魏闕下自有東山幽

宿杜判官江樓

適楚豈吾願思歸秋向深
故人江樓月永夜千里心
葉落覺鄉夢鳥啼驚越吟
寥寥更何有斷續空城砧

送陸員外赴潮州

含香臺上客，剖竹海邊州。
楚地多歸信，閩溪是亂流。
今朝永嘉興，重見謝公遊。

酬二十八秀才見寄

昨夜山月好，故人果相思。
清光到枕上，嫋嫋涼風時。
永意能在我，憶無攜手期。

塞下曲

寶刀塞下兒，身經百戰曾。
百勝壯心竟未嫋，姚知白草
山頭日初沒，黃沙戍下悲歌發。
蕭條夜靜邊風吹，獨倚

營門望秋月

郢州西樓吟

連山盡處水縈洄，山上城門臨水開。
朱欄直上一百丈，日煖遊鱗自相向。
昔人愛險閉層城，今人愛閒江復清。
沙洲楓岫無來客，草綠花紅山鳥鳴。

長安逢故人

數年音信斷不意，在長安馬上相逢。
久人中欲認難，一官今懶道雙鬢。
竟羞看莫問生涯事，只應持釣竿。

送韋湛判官

高閣晴江上重陽古戍閒
聊因送歸客更此望鄉山
惜別心能醉經秋髮自斑
臨流興不盡惆悵水雲間

送長沙韋明府

秋入長沙縣蕭條旅邸心
煙波連桂水官舍映楓林
雲日楚天暮沙汀白露深
遙知訟堂裏佳政在鳴琴

送林宗配雷州

昨日三峰尉今朝萬里人
平生任孤直豈是不防身
海

霧多為瘴山雷乍作隣遙憐北戶月與子獨相親

送洪州李別駕之任

南去秋江遠孤舟興自多能將流水引更入洞庭波夏
口帆初上潯陽雁正過知音在霄漢佐郡豈蹉跎

送李將軍赴定州

雙旌漢飛將萬里授橫戈春色臨邊盡黃雲出塞多鼓
鼙悲絕漠烽戍隔長河莫斷陰山路天驕已請和

送李騎之靈武寧侍

絕域歸寧遠涼天數騎行河來當塞曲山遠與沙平縱
獵旗風捲聽笳帳月生新鴻引寒色迴日滿京城

送張南史

雨餘深巷靜獨酌送殘春車馬雖嫌僻鶯花不棄貧蟲
聲粘戶網鼠跡印牀塵借問山陽會如今有幾人

送奚賈歸吳

東南富春渚曾是謝公遊今日奚生去新安江正秋水
清迎過客霜葉伴行舟遙想赤亭下聞猿應夜愁

送裴補闕入河南幕

皎然青鎖客何事動行軒苦節酬知己清吟去掖垣秋
城臨海樹寒月上營門鄒魯詩書國應無鼙鼓喧

送韓司直路出延陵

遊吳還適越來往任風波復送王孫去其如春草何岍
明殘雪在潮滿夕陽多季子留遺廟停舟試一過

盤屋縣鄭礪宅送錢大

暮蟬不可聽落葉豈堪聞共是悲秋客那知別故羣荒

城背流水遠雁入寒雲陶令門前菊餘花可贈君

送元詵還丹陽別業

已知成傲吏復見解朝衣應向丹陽郭秋山獨掩扉
草堂連古寺江日動晴暉一別滄洲遠蘭橈幾歲歸

贈張伍諲歸濠州別業

常知罷官意果與世人疎復此涼風起仍聞濠上居
故山期採菊秋水憶觀魚一去蓬蒿徑羨君閒有餘

冬夕寄青龍寺源公

斂屨入寒竹安禪過漏聲高松殘子落深井凍痕生罷
磬風枝動懸燈雪屋明何當招我宿乘月上方行

春宴張舍人宅

懶尋芳草徑來接侍臣筵山色知殘雨牆陰覺暮天鶯
啼漢官柳花隔杜陵煙地與東城接春光醉目前

赴無錫別靈上人

高僧本姓竹開士舊名林一入春山裏千峰不可尋新
年芳草偏斜日白雲深欲問徵官去懸知訝此心

送韋逸人歸鍾山

逸人歸路遠，弟子出山迎。
服藥顏猶駐，耽書癖已成。
柴扉多歲月，藜杖見公卿。
更作儒林傳，應須載姓名。

送王司馬赴潤州

暫屈文為吏，聊將祿代耕。
金陵且不遠，山水復多名。
楚塞因高出，寒潮入夜生。
離心逐春草，直到建康城。

登丹陽北樓

寒臯那可望，旅望又初還。
迢遞高樓上，蕭條曠野間。
暮

晴依遠水秋興屬連山浮客時相見霜凋動翠顏

雙林寺謁傳大士

草露經前代津梁及後人此方今示滅何國更分身月
色空知夜松陰不記春猶憐下生日應在一微塵

湘夫人

蛾眉對湘水遙哭蒼梧山萬乘既已歿孤舟誰忍還至
今楚竹上猶有淚痕斑南望淞陽路渺渺多新愁桂酒
神降時迴峰江上秋彩雲復無處碧水空安流

酬蕭二十七侍御初秋言懷

楚客秋多興江林月漸生細枝涼葉動極浦早鴻聲勝
賞睽前夕新詩報遠情曲高慙和者惆悵閉寒城

送彭偃房由赴朝因寄錢大郎中李十七舍人
衰病已經年西峯望楚天風光欺鬢髮秋色換山川寂
寞浮雲外支離漢水邊平生故人遠君去話潛然

酬王季友題半日村別業兼呈李明府

村映寒原日已斜煙生密竹早歸鴉長溪南路當羣岫

半景東鄰照數家門通小徑連芳草馬飲春泉踏淺沙
欲待主人林上月還思潘岳縣中花

春宴王補闕城東別業

柳陌乍隨洲勢轉花源忽傍竹陰開能將瀑水清人境
直取流鶯送酒杯山下古松當綺席簷前片雨滴春苔
地主同聲復同舍留歡不畏夕陽催

送盍少府新除江南尉

聞君作尉向江潭吳越風煙到自諳客路尋常隨竹影

人家大抵傍山嵐緣溪花木偏宜遠避地衣冠盡向南
惟有夜猿啼海樹應思鄉國意難堪

酬王孝友秋夜宿露臺寺見寄

石林精舍虎溪中夜扣禪扉憶遠公月在上方諸品靜
心持半偈萬緣空蒼苔古道行應徧落木寒泉聽不窮
更憶雙峯最高頂此心期與故人同

送李教湖南書記

憐君本與阮家同掌記能資亞相雄入楚豈忘看淚竹

泊舟應自愛江楓誠知客夢煙波裏肯厭猿啼夜雨中
莫信衡湘書不到年年秋雁過巴東

送崔侍御往容州宣慰

秦源獨立望湘川擊隼南飛向楚天奉詔不言空慰俗
清時應得訪遺賢荆門曉色兼梅雨桂水春風過客船
疇昔常聞陸賈說故人今日豈徒然

贈韋司直

聞君感歎二毛初舊友相依萬里餘烽火有時驚暫定

甲兵無處可安居客來吳地星霜久家在乎陵音信疎
昨日風光還入戶登山臨水意何如

送槩上人兼寄梁鎮員外

季月還鄉獨未能林行溪宿厭層冰尺素欲傳三署客
雪山愁送五天僧連空朔氣橫秦苑滿目寒雲隔灞陵
借問從來香積寺何時攜手更同登

留盧秦卿

知有前期在歡如此夜中無將故人酒不及石尤風

山中即事

入谷多春興乘舟棹碧灣山雲昨夜雨溪水曉來深

贈強山人

或棹輕舟與杖藜尋常適意釣前溪草堂竹迳在何處
落日孤煙寒渚西

聽鄰家吹笙

鳳吹聲如隔綵霞不知牆外是誰家重門深鎖無尋處
疑有碧桃千樹花

題尹真人

宵宵雲旗去不還
陰陰祠宇閉空山
我來始悟丹青妙
稽首如逢冰雪顏

柏林寺南望

溪上遙聞精舍鐘
泊舟微徑度深松
青山霽後雪猶在
盡出東南四五峰

送麴司直

曙雪蒼蒼暈曙雲
朔風煙雁不堪聞
貧交此別無他贈

惟有青山遠送君

石倉歷代詩選卷五十